

Rakyat pilih PKR untuk perbaiki negara, bukan bercakaran

Sinar Harian - 9/12/2019 m/d: 3

MELAKA - Rakyat memilih Parti Keadilan Rakyat (PKR) pada Pilihan Raya Umum ke-14 (PRU14) lalu bagi membentuk kerajaan Pakatan Harapan (PH) adalah untuk memperbaiki negara yang terkesan akibat pemerintahan terdahulu, bukan bercakaran sesama sendiri.

Timbalan Perdana Menteri, Datuk Seri Dr Wan Azizah Wan Ismail yang juga Pengerusi Majlis Penasihat PKR berkata, sebagai kawan, pemimpin

serta anggota PKR dinasihatkan terbuka untuk menegur dan menerima teguran antara satu sama lain bagi memperbaiki diri.

“Teruskan ukhuwah sesama kita. Kalau sesiapa kata Kak Wan (Dr Wan Azizah) ini tidak betul, yang ini okey. Saya ambil maklum dan perbaiki diri sendiri.

“Tegur sedikit sebanyak bolehlah kan. Jangan ambil hati cuba perbaiki diri kita. Kita semua manusia ada kesalahan dan kele-

mahan,” katanya dalam ucapan penggulungan pada Kongres Nasional PKR 2019 di Pusat Dagangan Dunia Melaka (MITC) di sini semalam.

Dalam nada berterusterang, Dr Wan Azizah yang merupakan Presiden pertama parti berusia 20 tahun itu dilihat mengingatkan perkara itu kepada perwakilan dan anggota PKR rentetan kemelut yang melanda parti itu sejak akhir-akhir ini. - *Bernama*



Dr Wan Azizah menyampaikan ucapan penggulungan pada Kongres Nasional PKR di Melaka semalam.